



«Լոնդոն Բիզնես Գրուպ» ՀԳ ՍՊԸ  
ՀՀ, Երևան, Խոթենացի 27ա/1  
“London Business Group” JV LLC  
27a Khotenatsi str., apt. 1, Yerevan, RA  
Tel: (+37410) 541272, 560852  
E-mail: audit@lbg.am  
Web: www.lbg.am

## ԱՆԿԱԽ ԱՈՒԴԻՏՈՐԻ ԵԶՐԱԿԱՅՈՒԹՅՈՒՆ

### *«Թեքեյան կենտրոն» Հիմնադրամի Հոգաբարձուների Խորհրդին*

Մեր կողմից իրականացվել է «Թեքեյան Կենտրոն» Հիմնադրամի (այսուհետ՝ Հիմնադրամ) կից ֆինանսական հաշվետվությունների աուդիտը, որոնք ներառում են 2013թ. դեկտեմբերի 31-ի դրությամբ հաշվապահական հաշվեկշիռը, նույն ամսաթվին ավարտված տարվա ֆինանսական արդյունքների, սեփական կապիտալում փոփոխությունների և դրամական միջոցների հոսքերի մասին հաշվետվությունները, ինչպես նաև ֆինանսական հաշվետվություններին կից հաշվապահական հաշվառման քաղաքականությունը և այլ ծանոթագրություններ:

### *Ղեկավարության պատասխանատվությունը ֆինանսական հաշվետվություններին համար*

Հիմնադրամի ղեկավարությունը պատասխանատու է ֆինանսական հաշվետվությունների միջազգային ստանդարտներին համապատասխան ֆինանսական հաշվետվությունների կազմման և ճշմարիտ ներկայացման համար: Այդ նպատակով ղեկավարությունը սահմանում է անհրաժեշտ վերահսկողության համակարգ, որը թույլ է տալիս պատրաստել ֆինանսական հաշվետվություններ, որոնք ազատ են խարդախության կամ սխալի արդյունքում էական խեղաթյուրումից:

### *Աուդիտորի պատասխանատվությունը*

Մենք պատասխանատու ենք աուդիտի միջազգային ստանդարտներին համապատասխան մեր կողմից իրականացված աուդիտի հիման վրա նշված ֆինանսական հաշվետվությունների վերաբերյալ մեր արտահայտած կարծիքի համար: Այդ ստանդարտներով մեզանից պահանջվում է բավարարել բարոյական վարքի կանոնները և պլանավորել ու անցկացնել աուդիտը՝ ֆինանսական հաշվետվությունների էական խեղաթյուրումներից զերծ լինելու վերաբերյալ ողջամիտ երաշխիքներ ձեռք բերելու նպատակով:

Աուդիտորական աշխատանքները ներառում են ֆինանսական հաշվետվություններում ու համապատասխան ծանոթագրություններում արտացոլված տվյալները հիմնավորող փաստերի ձեռքբերման նպատակով մշակված ընթացակարգեր, որոնց ընտրությունը կախված է խարդախությունների և սխալների հետևանքով ֆինանսական հաշվետվություններում էական խեղաթյուրումների ռիսկերի առկայության վերաբերյալ աուդիտորական գնահատումներից:

Ռ-իսկերի գնահատումները կատարելիս ատոլիտորը մշակում է համապատասխան ընթացակարգեր՝ ֆինանսական հաշվետվությունների կազմման և ճշմարիտ ներկայացման համար կիրառվող ներքին վերահսկողության արդյունավետության վերաբերյալ կարծիք կազմելու համար: Ատոլիտորական աշխատանքները ներառում են նաև կիրառված հաշվապահական հաշվառման սկզբունքների և ղեկավարության կողմից կատարված գնահատումների, ինչպես նաև ֆինանսական հաշվետվությունների ընդհանուր ներկայացման գնահատումը:

Մենք համոզված ենք, որ ձեռք ենք բերել բավականաչափ ու համապատասխան ատոլիտորական ապացույցներ՝ մեր կարծիքն արտահայտելու համար:

### *Կարծիքի ձևափոխման հիմքեր*

Հիմնադրամի ղեկավարությունը և ՀՀ Պետ. Եկամուտների Կոմիտեն (այսուհետ՝ ՊԵԿ) ունեն տարածայնություններ Հիմնադրամի 2013 թ-ի գործունեության հարկային դաշտի և դրանից բխող հարկային պարտավորությունների վերաբերյալ:

Մենք չենք ստացել Հիմնադրամի հարկային պարտավորությունների ճշտությունը հավաստող փաստաթուղթ՝ հաստատված ՊԵԿ-ի կողմից: Այս անորոշությունը մեզ հնարավորություն չի տալիս ձեռք բերել բավարար ապացույցներ 2013թ. դեկտեմբերի 31-ի դրությամբ Հիմնադրամի հարկային պարտավորությունների վերաբերյալ: Զանի որ դրանց մնացորդները և շարժը ներառվում են ֆինանսական վիճակի մասին հաշվետվությունում և համապարփակ ֆինանսական արդյունքների մասին հաշվետվությունում, մենք չկարողացանք պարզել տարվա շահույթի, զուտ ակտիվների և պարտավորությունների ճշգրտման անհրաժեշտությունը համապատասխանաբար համապարփակ ֆինանսական արդյունքների մասին հաշվետվությունում և ֆինանսական վիճակի մասին հաշվետվությունում:

### *Ձևափոխված կարծիք*

Մեր կարծիքով, բացառությամբ կարծիքի ձևափոխման հիմքեր պարագրաֆում նկարագրված հարցի ազդեցության, կից ֆինանսական հաշվետվությունները բոլոր էական առումներով ճշմարիտ են ներկայացնում 2013թ. դեկտեմբերի 31-ի դրությամբ Հիմնադրամի ֆինանսական վիճակը և նույն ամսաթվին ավարտվող տարվա ֆինանսական արդյունքների և դրամական միջոցների հոսքերը՝ համաձայն ֆինանսական հաշվետվությունների միջազգային ստանդարտների:

Ատոլիտի ղեկավար՝  
Մարիամ Խոջայան



15 ապրիլի, 2014 թ.



Տնօրեն՝  
Տիգրան Զորյան

